



Broj: 01/1-50-1-85-46/05

Sarajevo: 11.05.2005.

Z A P I S N I K

sa 46. sjednice Ustavno - pravne komisije

Sjednica je održana 11.05.2005. godine sa početkom u 10,00 sati.

Sjednici su prisustvovali članovi Komisije:

- | | |
|-----------------------|-------------------|
| 1. Mirsad Ćeman, | 5. Martin Raguž |
| 2. Tihomir Gligorić, | 6. Seada Palavrić |
| 3. Beriz Belkić, | |
| 4. Momčilo Novaković, | |

Članovi Komisije Nijaz Đuraković i Petar Kunić nisu prisustvovali sjednici iz opravdanih razloga.

Članu Komisije Ivi Miri Joviću je prestao mandat izborom za člana Predsjedništva BiH.

Sjednici su u ime Vijeća ministara BiH prisustvovali: Zoran Tešanović, Kasim Bajramović i Juso Halilagić.

Sjednici je prisustvovao sekretar Komisije Milan Zjajić i student stažista Jasmina Sazdovski, te Anđelka Dobrilović iz Istraživačkog centra.

Mirsad Ćeman je pozdravio prisutne i predložio sljedeći:

D N E V N I R E D

1. Verifikacija Zapisnika sa 44. sjednice održane, 11.04.2005. godine;
2. Prijeloga zakona o osnovama geomatike, predlagač Mirsad Ćeman;
3. Prijeloga zakona o izmjenama i dopunama Zakona o policijskim službenicima BiH, predlagač Vijeće ministara BiH;
4. Ponovno utvrđivanje Prijedloga pravnog mišljenja u vezi sa zahtjevom Komisije za razmatranje statusa lica naturalizovanih poslije stupanja na snagu Ustava BiH do stupanja na snagu Zakona o državljanstvu BiH (Zaključak Predstavničkog doma PS BiH od 21.04.2005. godine);
5. Zahtjev Ministarstva finansija i trezora za autentično tumačenje čl. 1. i 15. Zakona o ombudsmenu BiH ("Službeni glasnik BiH" br. 19/02 i 35/04) u pogledu zakonske osnove za donošenje Odluke o plaćama ombudsmana za ljudska prava BiH – jasnoća norme, član 1.4 Zaključka;
6. Zahtjev Kancelarije za reviziju finansijskog poslovanja institucija BiH za autentično tumačenje Zakona o državnoj službi u institucijama BiH ("Službeni glasnik BiH" br. 12/02, 19/02, 8/03, 35/03, 4/04 i 17/04) u pogledu jasnog definisanja nezavisnog statusa viših revizora, revizora i IT revizora – jasnoća norme, član 1.4 Zaključka;
7. Razmatranje Izvještaja o radu Pravobranilaštva BiH za period 01.01.2004 do 31.12.2004. godine.
8. Ostala pitanja.

Članovi Komisije su dnevni red jednoglasno prihvatili.

Ad. 1. Verifikacija Zapisnika sa 44. sjednice održane, 11.04.2005. godine,

Bez primjedbi, Komisija je jednoglasno verifikovala Zapisnika sa 44. sjednice održane, 31.03.2005. godine,

Ad. 2. Prijeloga zakona o osnovama geomatike, predlagač Mirsad Ćeman,

Komisija, nakon duže rasprave u kojoj su učestvovali svi članovi sa 2 glasa "za" i 4 glasa "protiv", nije utvrdila da postoji valjan ustavno-pravni osnov za donošenje Zakona o osnovama geomatike Bosne i Hercegovine i nije utvrdila da je ponuđeni tekst usklađen sa Ustavom Bosne i Hercegovine.

Tekst predloženog zakona sa ovim mišljenjem se, u skladu sa članom 84.1, može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Prijeloga zakona o izmjenama i dopunama Zakona o policijskim službenicima BiH, predlaže Savjet ministara BiH;

U toku rasprave je utvrđeno da se radi o Prijedlogu zakona koji je na privremenim osnovama nametnuo Visoki predstavnik, a Vijeće ministara ga predložilo u cilju potvrđivanja, bez prava ulaganja amandmana po članu 105. Poslovnika, što Predstavnički dom nije prihvatio. Komisija je odlučila da ne daje mišljenje o ustavnom osnovu, jer to nije bila praksa ni ranije u identičnim slučajevima.

Ad. 4. Ponovno utvrđivanje Prijedloga pravnog mišljenja u vezi sa zahtjevom Komisije za razmatranje statusa lica naturaliziranih poslije stupanja na snagu Ustava BiH do stupanja na snagu Zakona o državljanstvu BiH (Zaključak Predstavničkog doma PS BiH od 21.04.2005. godine);

Nakon duže rasprave Komisija je jednoglasno odlučila da pod poglavljem izvještaja I UVODNE NAPOMENE doda sljedeće tačke:

8. Postupajući po zahtjevu Doma Ustavno-pravna komisija je na na 45. sjednici održanoj 20.04.2005. godine usvojila izvještaj sa pravnim mišljenjem i dostavila ga Predstavničkom domu.
9. Na sjednici Doma održanoj 21.04.2005. godine, zbog primjedbi nekih članova Komisije da dostavljeni izvještaj ne odražava raspravu sa sjednice, te zahtijeva da se da konkretniji stav Komisije, zaključeno je da Ustavno-pravna komisija ponovo razmotri ovo pitanje i dostavi novi izvještaj.
10. Na 46. sjednici, održanoj 11.05.2005. godine Ustavno-pravna komisija je ponovo razmatrala ovo pitanje. Unutar komisije su se ispoljila različita pravna shvatanja i suprostavljena pravna mišljenja.

Takođe je sa 5 glasova "za" i jednim glasom "protiv" Ustavno-pravna komisija je usvojila sljedeći zaključak i izmijenila poglavlje IV-PRAVNO MIŠLJENJE – STAV KOMISIJE, tako da glasi:

Imajući u vidu odredbe člana HII Aneksa 1-A Opšteg okvirnog sporazuma za mir u BiH i člana 2 Aneksa II na Aneks IV Opšteg okvirnog sporazuma za mir u BiH (Ustav BiH), te činjenicu da se i pored uloženog napora za principijelno i pravno zasnovano tumačenje, odnosno razumijevanje ovog pitanja unutar Ustavno-pravne komisije nije moglo doći do nespornog pravnog stava, Komisija predlaže Predstavničkom domu Parlamentarne skupštine Bosne i Hercegovine da od Visokog predstavnika, shodno članu V Aneksa 10. ("Civilna implementacija mirovnog sporazuma"), i sljednika komandanta IFOR-a (komandant EUFOR-a), shodno članu XII ("Najviši autoritet tumačenja") Aneksa 1-A, zatraži tumačenje, odnosno pravno mišljenje o spornom pitanju.

Za izvjestioca na sjednici Predstavničkog doma određuje se Mirsad Ćeman, predsjedavajući Ustavno-pravne komisije.

Ad. 5. i 6. Zahtjev Ministarstva finansija i trezora za autentično tumačenje čl. 1. i 15. Zakona o ombudsmenu BiH ("Službeni glasnik BiH" br. 19/02 i 35/04) u pogledu zakonske osnove za donošenje Odluke o platama ombudsmana za ljudska prava BiH – jasnoća norme, član 1.4 Zaključka; i

Zahtjev Kancelarije za reviziju finansijskog poslovanja institucija BiH za autentično tumačenje Zakona o državnoj službi u institucijama BiH ("Službeni glasnik BiH" br. 12/02, 19/02, 8/03, 35/03, 4/04 i 17/04) u pogledu jasnog definisanja nezavisnog statusa viših revizora, revizora i IT revizora – jasnoća norme, član 1.4 Zaključka;

Komisija je jednoglasno odlučila, da zbog nedostatka vremena za kvalitetno razmatranje ove tačke dnevnog reda odgodi za sljedeću sjednicu.

Ad. 7. Razmatranje Izvještaja o radu Pravobranilaštva BiH za period 01.01.2004 do 31.12.2004. godine.

Komisija je kao nadležna komisija, nakon opšte rasprave jednoglasno:

1. Konstatovala da je Izvještaj podnešen na osnovu člana 2. a u vezi sa članom 4. Zakona o Pravobranilaštvu Bosne i Hercegovine.;
2. Konstatovala da je izvještaj metodološki i sadržajno dobro urađen i da je u izvještaju navedeno obilje podataka koji daju potpunu sliku o radu Pravobranilaštva BiH u izvještajnom periodu.;
3. Cijeneći navedeno Komisija predlaže Predstavničkom domu da usvoji Izvještaj o radu Pravobranilaštva Bosne i Hercegovine za 2004. godinu u ponuđenom tekstu.

Za izvjestioca na sjednici Predstavničkog doma imenovan je predsjedavajući Komisije Mirsad Ćeman.

Ad. 8. Ostala pitanja

Kako nije bilo prijedloga za ovu tačku dnevnog reda predsjedavajući je u 12,00 sati zaključio sjednicu.

Napomena: *Sastavni dio ovog zapisnika je stenogram koji sačinjava Zajednička služba Parlamentarne skupštine BiH.*

SEKRETAR KOMISIJE

Milan Zjajić

PREDSJEDAVAJUĆI KOMISIJE

Mirsad Ćeman

